




Bell Haddad:
«Algerian emakumeak
emakume direlako
hiltzen dituzte» / 17



Mikel Saralegi:
«Suerte pixka
batekin atxatuko
dugu harria» / 20



Miguel Angel Alvarez:
«Oraindik ere neure
buruaren bila
jarraitzen dut» / 23

EUSKALDUNON

Egunkaria

Ostirala, 1995eko martxoaren 24a / VI. urtea / 1.329. zenbakia / Salneurria: 110 pta. / 5,5 libera

ANTZERKIA

Brecht en obra baten estreinua

Iruña Pequeño Teatro konpainiako bederatzi akoreek Bertolt Brecht en 'Santa Juana de los mataderos' obra estreinatuko dute bihar Gaiarre antzokian. / 24

Zazpi enpresa nagusiek atzerrian inbertitzeko taldea eratu dute

Euskal Autonomi Elkarte ko zazpi enpresa nagusiak bildu dira eta Nazioarteko Kooperaziorako Elkartea (ACI) eratu dute. Atzo osatu zen ofizialki Bilbon eta aurkezpenean zazpi enpresetako ordezkariak eta Eusko Jaurlaritzakoak izan ziren.

Taldea Arrasate kooperatibak (MCC), CAF, Iberdrola, BBV Trade, Babcock Wilcox, IDOM

BESTERIK

POLITIKA

Miguel Sanzen arabera Juan Cruz Allik berak utzi du bere burua zerrendatik kanpo / 6

GIZARTEA

Ingurugiroan duten eragina gutxituko dutela hitz eman dute EAEko 33 enpresak / 11

EKONOMIA

ELA ezezik, LAB sindikatua ere sartuko da Nafarroako Kontseilu Ekonomikoan / 14

ESTATUA

Frantziako Gobernuak ukatu egin du Irangoari misilak saldu zizkiola 1994an / 15

NAZIOARTEA

Europako Batasunak presio egin dio Turkiari kurduen aurkako ofentsibari amaiera emateko / 16

eta Guascor enpresek osatu dute eta helburua nazioarteko fondoen bitartez garapen bidean diren herrietan inbertitzea da. Aldi berean, euskal industriak bide berriak urratzeko aukera izango duela eta enpresa txikiek ere irabaziak lor ditzaketela aurreratu zuten aurkezpenean.

Garapen bidean dauden herrietan inbertitzeko erakundeek bideratzen dituzten fondoak 50.000 milioi dolarretik gorakoak (6,45 bilioi pezeta, 268.000 milioi libera inguru) dira. Guillermo Barredo talde berriko lehendakariaren aburuz, «zaila» da bakarka proiektu hauei aurre egitea; horregatik taldea eratzea erabaki zutela azaldu zuen.

Urtebeteko lana behar izan da taldea eratzeko. Ideia EAEko enpresen kanpo merkataritza bultzatzeko plan estrategikotik sortu zen. Gasteizko Gobernuaren ekimen honek alde anitzeko munduko finantzetak eskaintzen dituen aukerak aztertu zituen. / 13



ANDER GILLENEA

Korrikan Lasa eta Zabala omendu dituzte

Goierritik zetorren Korrika-9 Tolosan sartu zen atzo bigarren aldiz eta bertako korrikalariak Joxean Lasa eta Joxi Zabalararen hauen omenez Benta Haundin eginiko oroitarrian omenaldi xume bat eskaini zieten. Argazkian ageri diren Manu eta Iñaki Azkarate anaiek eta Ramon Sagastibeltzak —preso ohi eta Lasa eta Zabalararen lagun minak hirurak— krabelinak eta Korrikako petoak utzi zituzten oroitarrian berriro korrikari ekin aurretik. Bestalde, atzo Barrionuevoren dimisio eskaeraren inguruan polemika berpiztu zen, eta gaur Tolosaldean greba orokorrerako deialdia egin du HBk eta 'borroka egunerako' Hego Euskal Herriko gainontzeko herrialdeetan. / 4-5 eta 10

Gasteizek Elkarri saritu duela salatu dute PPk eta PSE-EEK

Eusko Jaurlaritzak loteriaren ustiaketa Elkarri-ri eman izanak PP eta PSE-EE alderdien protestak eragin ditu. Bi alderdion ustiez, Elkarri-k Bilbon antolatutako Bake Konferentzia «autodeterminazioari buruzko eztabaida bilakatzeagatik saritu du Joko Zuzendaritzak». Guillermo Etxenike, Gipuzkoako PSE-EEko idazkariorde nagusiaren iritziz, «gizarte eskandalua» ez da sortzen legez kanpoko jokabideengatik soilik, «baita hartzen diren erabakien etikagatik ere».

Jaime Mayor Orejari deitoragarria iruditu zitzaion Eusko Jaurlaritzaren erabakia, nahiz eta legezkoa dela adierazi. Hala ere,

PPk baimen hori aztertu egingo du sailburuari dagozkion azalpenak eskatzeko.

Elkarri-ren izenean Jonan Fernandezek hitz egin zuen eta erabakia irizpide politikoetan oinarritu dela ukatu egin zuen. «Holako ebatzen batean irizpide politikoak erabiliko balira, denok kontra jarriko ginateke, holako kontzesio batean aukeraketak teknikoak izan behar du, baldintzen arabera ikusita zein egokitzen den hobeto baldintza teknikoetara». Irizpide politikoengatik, ordea, ustiaketak ez ematea «aberrazioa eta onartezi-na» litzatekeela gaineratu zuen. / 8

Nekazaritzarako Nafarroako ubidea ezinbestekoa dela esan du Lapazarane

Jose Cruz Lapazararen Nafarroako Gobernuak Nekazaritza sailburuak datozen 20 urteetarako ureztapen egitasmoa aurkeztu zuen atzo Iruñeko Legebiltzarrean. Horren arabera, Itoizko urtegia egiteaz gain beste batzuk eraikitzea beharrezkoa izango da urte hauetan. Gainera, Nafarroako nekazaritzaren garapenak ubiderik gabe porrot egingo lukeela azaldu zuen sailburuak. / 9